

CHAPTER III.

1 N'tkulān dit, waikia, galthgwi-shgū da shim ash ga Miyān ga. Dumt damtk ga lthāni gau dā gwashim, yagai niadit, althga di hamaulgi, ada al gup tkulām didā gwashim.

2 Bōyiltk ga shim ā hash-hāshit, bōyiltk ga shima hūk-hadadagum halthalsha dit, bōyiltk ga shima dum sha gashgozk ga shimt ;

3 Awil nūgum circumcisiōnt, gū gīgēngwakltha dit ash ga na Haik gish ga Shimoigiat ga Lakāga, gū gākshitiyāwugut gish Christ Jesus, ada althga di gunhaitiksha dalth shame :

4 Ada al zōt nūi shinlth dum gūn-haitiksha dalth shame ; amiza ligi gik gaul dalth giat za haligauda da za gunhaitiksh dalth shame, yagai zū da goi ;

5 Nat circumcisa nū da ltha yūk-ltha ā sha dit, gup wātē gū dish Israel, a n'zapsh Benjamin, shim lugwil tka Hebrewk ; ada wila wāl wilalaut, nan Pharisee nū ;

6 Ada na shga hēkulū, nha lūshū-wilinū Churchit ; ada wila wāl hoi-giagum wāl da wilalaut, althga n'nahokshk gi.

7 Ada gup gau na kshtāyū, nini gwai ltha niazumsh zalthūt ash Christa ga gunwāl dit.

8 Yagai niadit, tkāni gau niazumsh zalthūt ash ga wil na gākshlakām gunwilaigilsh di gish Christ Jesus ga Miyāni ga : gū na gun n'zalthū da tkāni gaut, ada na gup niazumsh gumwāl dit, dum wil nakshatāi gish Christ,

9 Ada dum wātēgi gish niat, ā althga n'lip hoigiagai, gū nahou wilalaut, yagai nini wātē ga dida shimhoudiksh di dash Christ, hoigiaga dit gū wātē gut gish ga Shimoigiat ga Lakāga ā shimhoudikshit :

10 N'dum wil wilait ga, dilth na gutgiatsh ga na wil gik dōlshk gut ga, dilth dum shila hākshit ga, n'dum gup shilawil giatk gut ga zō wagait na wil zakt ga ;

11 A n'dum ām wila wāsh ga dum hokshk gi gish ga dum wil gik dil-dōlshk gaga amiya dida shpagait dūi-dit.

12 Althga ltha na ligi wil da aklthk gut, za ligi ltha sha wha nahokshintk gi ; ada gup shta gaugū gauyūt, n'dum wil gā dit gū na gun dit gā di gut Christ Jesus ga.

13 Waikia, althga lippeluksh nīa shkgumsh n'za ltha gā dit ; ada gup gūel gau wālū, gau'ul dū gau tkulānū, ada shta shgū'utk-shū da gau gaugout,

14 Shta gaugū gauyūt āwā gun n'laidat ash ga kshtā'anshk gish ga na ha manhūsh ga Shimoigiat ga Lakāga gish Christ Jesus.

15 Gun shū'unza walum, gū shgabō wha nahakhokshk ga dit, ām dup dilgaudi gwa : ada al amiza gik ligi lukshgiat za dilgaudi shim, nini dum ālūdā'ansh ga Shimoigiat ga Lakāga gwashim :

16 Ada al gup gau ltha wāyimt, ām lthāni lūliyak gumt.

17 Waikia, shim shagait nzailishim ā goi, ada ma shim shinlaida ltha al wila wāluksha da dit, niwālda wila na sha gāwa shim dā gum.

18 Awil hēlda wāluksha dit, gū shidi malth dū dā gwashim, ada na gik dawihouitk ga ina maltha dida gwashim gāōn, gū niniish dupniadi nibilthgaushk ga da dash ga guzāksh Christa ga :

19 Gū wil shagoltha dida gunlūga-gut, gū shimoigiatk ga dida gabinban dit, gū bilgukshtiyāwaga dida n'dum haznzkauk dit, gū dau da gagauda dida walum halizogut.

20 Awil zum lakāga di zabum ga :